

Klavier

Text und Musik
Jacob Stickerberger

Strophen 1 und 3

C F G7 C C F G7 C

Schön würds tö - ne mys Kla - vier und mys Lied i grän - ne schier

9 Am F G7 C Am F D7 G7

grad wo dsGfüel mi ü - ber - schwemmt merk - i dass e Tasch - te chlemmt

17 C G G Am Am E E7 Am

Strophen 2 und 4 - 7

Ei Mo - mänt du mys Kla - vier - li bruchsch es chly - ses Schru - be - zier - li

25 Am G G7 C Am F D7 G7

s'hätt zwar non es chly - ners glängt denn jitz han i dsBe ver - zwängt

33 C F G7 C C F G7 C

letzte Strophe 8

Druf zer - springt i ha kes Glück mys Kla - vier i tu - sig Stück

41 Am F G7 C Am F G7 C

so jitz bin - i a - ber muff spi - le z'leid ke Ton me druf

Klavier

1. Schön würds töne mys Klavier
und mys Lied i gränne schier
grad wo ds Gfüel mi überschwemmt
merki dass e Taschte chlemmt
2. Ei Momänt du mys Klavierli
bruchsch es chlyses Schrubezierli
s'hätt zwar non es chlyners glängt
denn jitz han i ds Be verzwängt
3. Das macht nüt im Wärszügchämmerli
hets es liechts und griffigs Hämmerli
und i pöpperlen a ds Be
lue du da jitz laht no ds Ce
4. Jä was isch de da derby
ou dä Schade hei mer gly
won i ou no ds Cis ha gstucht
weis i dass' es Zange brucht
5. Mit der Zange gryf i gschickt
tief i d'Taschte fascht wärs gflickt
doch will d'Zange sich verbysst
chunnts dass jitz e Seite rysst
6. S'isch nid schlimm doch mues me da
jitz e rächte Hammer ha
holen us em Wärszügschopf
eine mit me schwäre Chopf
7. Jitz sötts gah zwar isch mit Schyn
ou dä Hammer geng no z'chlyn
schlah am beschte i gsehs y
mit em Vorschlaghammer dry
8. Druf zerspringt i ha kes Glück
mys Klavier i tusig Stück
so jitz bin i aber muff -
spile z'leid ke Ton me druf